



CIM.TEMPERAMENT

Te Turanga

Kare e rauka ia koe i te tieni i te turanga o taau tamaiti. E meitaki atu kia kite koe i te turanga o taau tamaiti i pera ai tana au mea e rave ana, i to te kimi ravenga i te tieni i te reira au turanga.

“Ka anoano’ia te raverave’anga tuke no te turanga tuketuke tātakitai o te au tamariki.”

Mei te aronga mamaata, mei koia katoa te tuke o te au pēpē katoatoa

Kua anau mai tetai pae ma te maru e te mama i te akono, ko tetai pae ra, ka araara ua e te maata te tipatipa aere. Ka tinamou te turanga o tetai pae i ta ratou ka rave mei to ratou ou anga, ko tetai pae ra, kare to ratou tuatau moe e te tuatau mimimimi titiko e tinamou ana, e ka ngata i te kitea’ia i tei tau no ratou kia raveia. Ka kitea’ia mai teia turanga i te au epetoma mua rai o to ratou ora’anga e kua atui’ia teia ki to ratou tu turanga. E mea tinamou te tu turanga mei te anau’ia anga mai, e kare e, no te tu akono tiaki a te au metua, me kore ra, a te aronga mamaata.

“Ka ata meitaki mai te au tu turanga tuketuke me e maata atu taau tamariki i te okotai ua tamaiti.”

Te au tu turanga

E toru au tu turanga tinamou – ko tetai au tamariki, e maata atu to ratou tu turanga tei kapiti'ia, i to te okotai ua tu.

1. E mama, me kore ra, e ngoie

Ko te au tamariki e turanga mama to ratou i to ratou pēpē anga, e ngoie ua te akono tiaki ia ratou. E maru ua ratou, e mataora e te tinamou to ratou tuatau moe e to ratou turanga kaikai, e kare ratou e manamanata ngoie ana. Ia ratou e pakari maira, ka anoano'ia teia au tamariki kia komakoma mai i to ratou manako, penei ko te kore ratou e taumaro mai, me kore ra, e pati mai i tetai au apinga, me kore ra, i te tuatua mai no ta ratou e manakonako ra. Ka anoano katoa ia koe kia akara mamao matakite mai i te au mea, ma te akapapu kia kite ratou e, tei reira koe me ka inangaro ake koe ia ratou.

2. Tipatipa

Ko te au tamariki tipatipa e te akatangata ia ratou, e au tamariki teia, kare e tinamou ana to ratou tuatau moe, e to ratou turanga kaikai. Ka matakū ratou i te aronga e te au ngai ou, ka manamanata ngoie ratou i te maniania e ka manamanata pakari i tetai au apinga. Ka inangaro'ia teia au tamariki kia maata ta ratou au angaanga akamatutu e kia akakite vave'ia i mua ake me tupu ake tetai akatuke'anga.

3. Matakite

E akama ana teia au tamariki i te au akanoonoo'anga ou, ina ra, e matutu ana to ratou turanga me matau ratou i te reira au tuanga. E mea puapinga no ratou kia akanoo tinamou'ia ki te akanoonoo'anga tei matau ratou, e te oronga katoa kia rava te tuatau no ratou i te akamatau ia ratou ki te au tuanga ou e te au tangata.

Te tu turanga o taau tamaiti

Ko te kite marama i te tu turanga o taau tamaiti te ravenga i te tauturu ia koe i te:

- kite e, eaa i pera rava ai te peu a taau tamaiti
- vai teatea-mamao i te tu peu o taau tamaiti me tupu ake tetai angaanga, me kore ra, tetai akanoonoo'anga
- komakoma ua rai ki taau tamaiti
- kite i te ravenga tau i te rave no te akatano'anga iaia
- akatupu i tetai piri'anga matutu meitaki tikai ki taau tamaiti.

“Kia papa au i te au atianga ravarai i te akatuke i taku ka rave.”

“E viviki ana taku tamaiti i te tieni i tona turanga. E ngata ana aia i te aru i te au akaue'anga tei oronga'ia atu, no reira au e kimi manako marie ei i mua ake ka pati ei au iaia kia rave i tetai angaanga, me kore ra, i te rave i tetai angaanga taku i manako e, 'ka meitaki ainei kia akaruke ua au i teia?’”



S.K.I.P

skip.org.nz

facebook.com/SKIPcommunity

Kite meitaki atu'anga

Me kare koe e marama meitaki i te tu turanga o taau tamaiti, penei, te aka'apa ra koe iaia i tana peu ta tona tu turanga i akatupu.

Ka riro teia i te akatupu i tetai au manamanata maata i rotopu ia korua, e ka akatupu atu teia i tetai au turanga kino atu no taau tamaiti.

Penei, ka akamata katoa koe i te aka'apa ia koe uaorai no te tu peu a taau tamaiti, ma te kore koe e marama e, ko to ratou tu rai teia.

“Me akara meitaki au i toku turanga, ka kite au i te tu o toku turanga i tupu ei te au mea te ka raveia.”

“Kua kite au e, kare e rauka iaku i te tieni i te tu o taku tamaiti.”

“E kakekake riri ana au i te tu o taku tamaiti mataiapo; e riri vave ua ana au, e ngata ana au i te akamanako marie e te tau meitaki. A Tiaki ra, e tamaiti maru ua aia e te katakata e te mama ua i te komakoma kiaia.”



S.K.I.P

skip.org.nz
facebook.com/SKIPcommunity

Te rauka'anga taau au turanga kotinga

E akamanako meitaki koe i te tu turanga o taau tamaiti e taau utuutu'anga a te metua i te reira. Te meitaki atu i te akapiri'anga ia te tu turanga o taau tamaiti e taau ravenga utuutu'anga a te metua e rave ra, ko te maata atu ia i te meitaki te ka rauka mai.

Ka riro katoa toou tu turanga i te arapaki i taau tu utuutu'anga ta te metua.

Ka ata pu ua mai te au tu turanga tuketuke me e maata atu taau tamariki i to te okotai ua aau tamaiti. I te maata'anga o te taime, kare te utuutu'anga a te metua tei tau no tetai tamaiti, e tau no tetai akaou mai tamaiti, e ka anoano'ia koe kia rave i tetai au tu utuutu'anga tuke rava mai. Penei, ka anoano'ia kia maata mai te akanoonoo'anga e te au akakotinga'anga no tetai tamaiti i to tetai mai ona tungane, me kore ra, tuaine, e ko tetai mai, kua inangaro aia e, nana rai e tuku i tana au tika'anga.

Ko te kimi ravenga i te ka tau ki te tu turanga o taau tamaiti, i reira e rauka mai ei te tauturu noou i te apii akatano meitaki i taau tamaiti, e rauka mai ei te puapinga. Na teia e tauturu ia koe i te akatinamou i te au mea taau e akapapu kia marama meitaki aia, e te au mea kia akangaropoina'ia atu.

“Kia papa ua koe i te tu peu ta taau tamaiti ka rave mai.”

“Kimi'ia te ravenga tei tau ki te tu turanga o taau tamaiti.”



S.K.I.P

skip.org.nz

facebook.com/SKIPcommunity

SKIP supports parents and caregivers
to raise their children in a positive way.

For more information go to:

www.skip.org.nz

Email: info@skip.org.nz

Phone: 04 916 3300

For more information on support for parents, go to:

www.familyservices.govt.nz/directory



S . k . I . P

skip.org.nz
facebook.com/SKIPcommunity